

I yu'xarij ti anaquéecan jo'yú'xaca' a'íjna i San Juan

A'íjna i nyúucarij ti júurij

1 ¹A'íj tu jin mua'ajmaj tyajá'muayu'se'ej a'íjna jitze ma'can i Ciriístu' ti arí jájcua'j imuáj séjria'ca'aj ajta ti'íj na'aj yatij je'r'é'nyej, a'íi pu a'íin pué'een i tyaj jáanamujri' tyajta i tyaj taji'íj jin jaaséj. Ji'nye tu'ríj jaaséj tyajta tamuáca' jin ja'ajtamuaríej. A'íi pu a'íin pué'een i nyúucarij ti júurij. ²A'íi pu i júuricamej huataséjre, ityáj tu jaaséj, tyajta a'íjna jitze ma'can tyí'xaj, tyajta a'yan cha'taj tyana'aj mua'ajmaj tyajá'mua'ixaatye', a'íjna i ti ajta tavástara' jimi séejre', i ti ityájma jimi huataséjre. ³A'íj tu tyij já'mua'ixaatye' i tyaj jaaséj, tyajta i tyaj jáanamujri', sij sij siajta mua'aj tajamuán séjre'ej, a'yájna tyati'íj ityáj jimi tyí'sejre' i Dios i tyaj jáj táataj, tyajta jimí a'íjna i Jesús i ti ajta Ciriístu' pué'een. ⁴A'yaa tu een jime' tyajá'muayu'se'ej tyej tyij néijmi'i huátatyamua've'en.

Dios pu a'íin pué'een i tatzárij

⁵A'íi pu a'íin pué'een i nyúucarij i Ciriístu' ti taamuá'tyej i tyej tyij ityáj já'mua'ixaatye', ti i Dios tatzárij pué'een, ajta quee jimí séejre' a'íjna i tíca'rij. ⁶Tipua'aj a'yan tyetyí'xajta yee jimi tu séejre', tyajta je'en tíca'riste' ciínyej, a'íj tutyij jin tyí'hue'taj, ji'nye catu huatoojé'yacan jin tyí'xaj. ⁷Ajta tipua'aj a'yan a'íjna jitze tyetyi'tyesejria'aj i tatzárij, a'yájna ti'íj ajta i Dios tatzárij tyi'pué'een, a'íj tu jin jimi séejre', ajta i xúuria'ra' i Jesús ti yójra' pué'een i Dios, a'íi pu néijmi'i tyitacáa'ri'raj i tyaj jin ootyá'itzee i Dios jimi.

⁸Tipua'aj a'yan tyetyí'xajta yee catu tyi'tíj jin á'itzeere' i Dios jimi, a'yaa tu tyij tajfímua'aj tyí'tacuanamuj, capu ij ityájma jimi séejre' a'íjna i nyúucarij ti ji'r'é'can jime', ⁹ajta tipua'aj tyaataxá'j i tyaj jin ootyá'itzee i Dios jimi, a'yaa pu tyí'í'rij tyaj jitzán tyú'ca'nyej i Dios, ti tyámua' eenye' séejre', ajta a'íin tyitaatú'uunyí'raj i tyaj jin ootyá'itzee ajta néijmi'i i tyaj jin je'ej pua'aj huaríj. ¹⁰Tipua'aj a'yan tyetyí'xajta yee catu a'náj tyi'tíj jin ootyá'itzee i Dios jimi,

a'yaa tu tyé'sejrata ti i Dios tyí'hue'tacaa, catu tyij tyeexúj tyámua' tyá'antzaahuaj i nyúucaria'ra'.

Círíistu' pu a'íin pué'een i ti tajapúa huatányuusij

2 ¹Mua'aj mu siaj nyiyóojmua' pué'een mu nyaj huápui'ij já'muaxie've', a'yaa nu tyajá'muayu'se'ej siaj sij quee tyi'tíj jin á'itzeeria'aj i Dios jimi. Ajta tipua'aj a'tíj tyi'tíj jin ootyá'itzeere'en i Dios jimi, síj pu tajapúa huatányuusij, a'íi pu a'íin pué'een i Jesús ti ajta Círíistu' pué'een, a'íi pu'ij jì'rénnya'aj séejre' i Dios jimi. ²Círíistu' pu tajitzé ma'can huatóomu'vejritaca' ta'aj ij i Dios tyitaatú'uunyi' i tyaj jin ootyá'itzee, ajta quee ityájma na'aj, sulu néijmi'caa jime' i maj a'yan huacháatimee i cháanacaj japua.

³Tipua'aj néijmi'li jin a'yan táarinyij je'ej ti i Dios tyí'ijta, a'yaa tu a'íjna jin tyámua' tyá'mua'reej tyaj jì'réc'can jime' jamua'tyej. ⁴Ajta tipua'aj síj a'yan tyí'xajtaj yee: “Nyáaj nu jamua'tyej a'íjci i Jesús”, ajta quee a'yan ricij je'ej ti tyí'ijta i nyúucaria'ra', a'íi pu tyí'hue'tacaa, ajta quee jimi séejre' i ti jì'réc'can jime'. ⁵Ajta a'íjna i ti a'yan ricij je'ej ti i nyúucaria'ra' tyí'ijta, a'íi pu arí jì'réc'can jime' tyámua' een a'íjna jitze i Dios ti jin taxie've', a'íj tutyij jin jamua'reeren ti a'íin jimi séejre' i Dios. ⁶A'íjna i ti a'yan tyí'xaj ti i Dios jitze ajtyáma'can, a'yaa pu tyúuxie've' ti a'yan cha'tána'aj tyi'tyúucha'ij tí'ij i Círíistu'.

A'íjna i nyúucarij ti jájcuan jin tyí'ta'ijtye'

⁷Nye'ihuáamua' mu nyaj já'muaxie've', a'íjna i nyúucarij i nyaj já'muayu'se' capu jájcuaaj, sulu a'íi pu a'íin pué'een i nyúucarij ti jájcuaaj ímuáj i Dios jin tyitaata'íj. A'íjna i nyúucarij ti jájcuaaj ímuáj jin tyitaata'íj i Dios, a'íi pu a'íin pué'een i nyúucarij i siaj jáanamua'jri'. ⁸Ajta a'yájna, a'íjna i nyaj já'muayu'se' nyúucarij pu pué'een ti jájcuaaj, ti ajta jì'réc'can jime' i Círíistu' jimi ajta ja'mua jimi, jì'nye pu'rij antyípua'rij a'íjna i tíca'rij, aj pu'ij huatyóochesij i ti jì'réc'can jime' tatzárij pué'een.

⁹Tipua'aj síj a'yan tyí'xajtaj ti a'áa já'ma'can jo'tij jó'nyeerí'ij, ajta je'en i ju'ihuáara' tyicha'íria'aj, a'íi pu óoche' a'áa já'sejre' jo'tij jo'tíca'. ¹⁰A'íjna i ti jaxie've' i ju'ihuáara' a'íi pu a'áa já'ma'can jo'tij jó'nyeerí'ij, ajta quee tyi'tíj séejre' ti jin ootyá'itzeere'en i Dios jimi. ¹¹Ajta a'íjna i ti jájcha'íire' i ju'ihuáara', a'íi pu a'áa já'ma'can jo'tij jo'tíca' ajta a'yan tíca'riste' metyojo'cha'can, a'íj pu jin quee jamua'reej jo'tij jooméj, jì'nye i tíca'rij pu a'yan jáaruuj tí'ij aráacunyij.

¹²Nyiyóojmua', a'yaa nu tyajá'muayu'se'ej mua'ajmaj, jì'nye Dios pu tyajamuaatú'uunyi'ri' i siaj jin ootyá'itzee, a'íjna jitze ma'can i Jesús ti ajta Círíistu' pué'een. ¹³Siajta mua'aj mu siaj hua' huásímua' pué'een, a'yaa nu tyajá'muayu'se'ej, jì'nye mua'aj xu seríj jamua'tyej

a'íjna i ti jájcuaj imuáj séjria'ca'aj. Ajta mu siaj tyáamua, a'yaa nu tyajá'muayu'se'ej, ji'nye mua'aj xu seríj tyu'tyáamue'tij a'íjci jitze i ti je'ej pua'aj een.

¹⁴A'yaa nu nyeríj tyajamuataayú'sej mu siaj hua'yojma' pué'een, ji'nye mua'aj xu jamua'tyej a'íjci i tyaj jajvástara'. A'yaa nu nyajta nyeríj tyajamuataayú'sej mu siaj hua' huásimua' pué'een, ji'nye mua'aj xu seríj jamua'tyej a'íjna i ti jájcuaj imuáj séjria'ca'aj. A'yaa nu nyajta tyajamuataayú'sej mu siaj tyáamua, ji'nye mua'aj xu uhuácaca'nye' siajta ja'antzaahuaj i nyúucaria'ra' i Dios ja'muaxiéjnyu'caa tzajta', siajta seríj néijmi'i jin tyu'tyáamue'tij a'íjci jitze i ti je'ej pua'aj een.

¹⁵Caxu jaxie'va'aj i cháanacaj, nusu i ti íyan tyí'ma'can cháanacaj japua. Típua'aj síj a'yan tya'xié've'ej i cháanacaj, capu jaxie've' i Dios, ¹⁶ji'nye néijmi'i íyan ti tyí'sejre' i cháanacaj japua capu tavástara' jimi tyajá'ma'can, sulu íyan pu'uj tyí'ma'can. A'íi pu'ij a'íin tyí'pué'een i cháanacaj japua ti a'yan tyí'ma'can: a'íjna i ti je'ej pua'aj een i ti hua' tzajta' eerányinyii, ajta a'íjna i ti séejre' mej mij a'íjna jin ahuóotzaahuaty'e'en. ¹⁷Ajta a'íjna i cháanacaj pu'ríj antyipuaríj, jamuán i ti je'ej pua'aj tyí'een, ajta a'íjna i ti a'yan ricij je'ej ti i Dios tyá'xié've', a'íi pu júurij ta'mej jusén jime'.

A'íjna i ti ji'r'é'can jime' ajta i ti hue'tzij pué'een

¹⁸Mu siaj yójmua'mua' pué'een, pu'ríj a'ájna ajtyojo're'nyesij i xicáara' ti jitzán néijmi'i tye'entyipua'rij. Mua'aj xu seríj a'yan tyú'namuajri' ti a'yan huataséjre'sij a'íjna i ti jájcha'íire' i Ciriístu', ajta ijíj mu'ríj mue'tíj huataséjre' i maj jájcha'íire' i Ciriístu'. A'íj tu jin jamua'reej ti arí néijmi'i tye'entyipua'rij. ¹⁹A'íi mu ityájma jimi eeráanye, ajta camu tajitzé ajtyáma'cantaca'aj, ji'nye típua'aj tajitzé mua'ajtyáma'cantajche', a'íi mu tajamuán huatya'ítzéere'nyijche'. Ajta a'yaa pu tyu'ríj ti'ij tyámua' tyu'taséjre'en maj quee néijmi'i tajitzé ajtyáma'can.

²⁰Ajta a'íjna i Ciriístu' ti tyámua' een, a'íi pu tyámua' táaruuj a'íjna jime' i júuricama'ra' i Dios, a'íj xu jin mua'aj tyámua' metyityoomuámua're'. ²¹Canu a'íjna jin tyajá'muayu'se'ej siaj quee jamua'tyej i ti ji'r'é'can jime', sulu a'íjna jime' siaj seríj jamua'tyej, siajta a'yan tyá'mua'reej ti quee i'ríj ti hue'tzij huataséjre'en a'íjna jitze i ti ji'r'é'can jime'. ²²¿A'tanyíj a'íin pué'een i ti tyí'hue'tacaa? A'íi pu a'íin pué'een i ti a'yan tyí'xaj yee capu i Jesús a'íin pué'een i Ciriístu'. A'íi pu a'íin pué'een i ti jájcha'íire' a'íjci i Ciriístu', ji'nye a'yaa pu tyá'hue'taj a'íjna i tyaj jajvástara' ajta a'íjci i yójra'. ²³A'tíj tina'aj ti a'yan tyá'hue'taj a'íjci i yójra', capu tyámua' jimi tyí'sejre' i tyaj jajvástara', ajta a'íjna i ti a'yan tyí'xaj yee Jesús pu a'íin pué'een i yójra' i Dios, a'íi pu tyámua' tyí'sejre' i Dios jimi.

²⁴A'íj xu jin mua'aj tyámua' tyeetyécha'iin a'íjci i nyúucarij i siaj jájcuaj jáanamujri', ajta tipua'aj a'íjna i nyúucarij i siaj jájcuaj jáanamujri' tyámua' ja'mua jimi tyu'tyá'ítzeere'en, mua'aj xu siajta tyámua' tyi'tyeséere'ej xá'ju'un a'íjna jimi i ti yójra' pué'een i Dios, siajta jimi i tyaj jajvástara'. ²⁵A'íi pu a'íin pué'een i ti jin tya'tóoratziiri' ityájma jimi a'íjna i Ciriístu', tyej tyij jusén jin júurij tá'ra'nyij.

²⁶A'yaa nu een jime' tyajá'muayu'se'ej siaj sij jáamua'reej je'ej maj séecan tyá'xie've' mej mij jamuáacuanamuan. ²⁷Ajta ja'mua jimi pu arí séejre' a'íjna i júuricama'ra' i Dios, a'íjna i ti jin i Ciriístu' tyámua' jamuáaruuj, a'íj pu jin quee juxie've' ti a'tíj tyajamuáamua'tyej, ji'nye a'íjna i júuricamej ti ja'mua jimi jaatyájtóo, a'íi pu néijmi'i tyaja'muamua'tyej, ajta quee hue'tzij jin tyaja'muamua'tyej. Siata'aj tyámua' jimi tyi'tyesejre'ej i Ciriístu', a'yájna ti'íj i júuricama'ra' i Dios tyajamuamuá'tyej.

²⁸Ajta ijíj, mu siaj yójmua'mua' pué'een, siata'aj tyámua' eenye' i Ciriístu' jimi, tyej tyij jitzán tyú'ca'nyej ti'íj a'yan huataséjre'en, tyajta je'en quee huatátatyevi'ra'astaj ti'íj a'íin uvé'nyej. ²⁹Ji'nye mua'aj xu a'yan tyá'mua'reej ti i Ciriístu' ji'réenye'ej séejre', ajta a'yan tyúuxie've' siaj jamua'reej tíjin a'íimaj i maj xá'pui' ricij, a'íi mu yójmua'mua' pué'een i Dios.

I maj yójmua'mua' pué'een i Dios

3 ¹Cási' siata'aj a'íjna jitze tyú'mua'tyij ti i Dios jéehua taxie've', a'íj pu jin a'yan taatamua'aj tyej tyij yójmua'mua' pué'eenye'. A'íj mu jin quee tamuajtyej a'íimaj i maj a'yan huacháatimee i cháanacaj japua, ji'nye camu majta jamua'tyej i Dios. ²Nye'ihuáamua' mu nyaj já'muaxie've', tu'ríj yójmua'mua' pué'een i Dios. Tyij ajta quee eexúj je'ej ámiteere' je'ej tyaj éenye'ej tá'ju'un, a'yaa tu tyá'mua'reej tyaj a'yan cha'taj tyana'aj éenye'ej tá'ju'un ti'íj i Ciriístu' ti'íj a'íin huataséjre'en, ji'nye a'áa tu jaséjran je'ej ti a'íin een. ³Ajta a'tíj tina'aj ti a'yan a'íj jitze tyi'íjchó've', a'íj pu jin tyámua' ju'uurej ti'íj ji'réenya'aj séeria'aj tá'ra'nyij, a'yájna ti'íj ajta i Jesús i ti Ciriístu' pué'een.

⁴Ajta a'íjna i ti tyi'tíj jin á'ítzeere' i Dios jimi, a'íi pu je'ej pua'aj ricij, ji'nye a'íjna i ti jin juxana'cire', a'íj pu jin je'ej pua'aj ricij. ⁵A'yaa xu'ríj mua'aj tyá'mua'reej ti i Ciriístu' a'íjna jin mujo've'mej ti'íj jó'uunaj i tyaj jin quee xá'pui' huaríj i Dios jimi, a'íjna jime' ti a'íj jimi quee tyi'tíj séejre' ti je'ej pua'aj een. ⁶A'yaa pu'íj, a'tíj tina'aj ti i Dios jimi séejre', capu che' tyi'tíj jin je'ej pua'aj ricij, ajta a'íjna i ti ooj juxana'cire', a'íi pu quee eexúj yó'itej je'ej ti een a'íjna, capu ajta jamua'tyej. ⁷Mu siaj yójmua'mua' pué'een, che' quee a'tíj já'muacuanamuaj, a'íjna i ti xá'pui' tyi'tyúucha'íj, a'íi pu ji'réenya'aj

séejre' i Dios jimi, a'yájna ti'ij ajta i Ciríistu' ji'réenye'ej tyí'sejre',
 8 ajta a'ájna i ti je'ej pua'aj tyi'tyúucha'ij, a'áj pu jitze ajtyáma'can
 i tyiyáaru', ji'nye a'yaa pu i tyiyáaru' jájcuaj imuáj je'ej pua'aj
 tyo'huatyóochej. A'áj pul'ij jin mujo've'mej a'ájna i yójra' i Dios, ta'aj ij
 ja'antypuá'aritye'en i muárie'ria'ra' i tyiyáaru'.

9 Capu sáij ti yójra' pué'een i Dios je'ej pua'aj ricij, ji'nye a'áj pu jitze
 eeráma'can i Dios, a'áj pu jin quee i'ríj ti ooj je'ej pua'aj tyi'tyúucha'ij,
 ji'nye a'íi pu sáij a'íin pué'een i ti yójra' pué'een i Dios. 10 A'yaa pu
 a'ájna jin tyé'miteere' a'tyán maj yójmua'mua' pué'een i Dios, ajta
 a'tyán maj yójmua'mua' pué'een i tyiyáaru', ji'nye a'táj tina'aj ti je'ej
 pua'aj tyi'tyúucha'íij, nusu quee jaxie've' i ju'ihuáara', capu i Dios
 jitze ajtyáma'can.

I nyúucarij ti ta'íjtye' tyej tyij huátaxie've'en

11 A'íi pu a'íin pué'een i nyúucarij i siaj jájcuaj imuáj jáanamujri'
 ti a'yan tyúuxie've' tyaj huátaxie've'en séej tyajta séej. 12 Tyiche'
 quee a'yan eenye' ti'ij a'ájna i Caín, ti a'ájna jitze eeráanyej i ti je'ej
 pua'aj een, ajta je'en i ju'ihuáara' huajé'caj. ¿Ji'nye een jin tyeejé'caj?
 A'ájna jime' i ti je'ej pua'aj tyi'tyúucha'íica'aj, ajta a'ájna i ihuáaria'ra'
 tyámua' pu tyi'tyúucha'íica'aj.

13 Nye'ihuáamua', caxu je'ej tyityóomuajtyaj tipua'aj
 majamuájcha'íiria'aj a'íimaj i maj a'yan huacháatimee i cháanacaj
 japua. 14 Ityáj tu tyeríj júurij séejre' i Dios jimi catu che' mui'chij,
 a'yaa tu tyá'mua'reej a'ájna jime' tyaj hua'xie've' i ta'ihuáamua'. Ajta
 a'táj tiquee jaxie've' i ju'ihuáara', a'íi pu óoche' mui'chíj. 15 A'ájna i ti
 jájcha'íire' i ju'ihuáara', a'íi pu a'íin pué'een i ti tyí'tyacui'caa, siajta
 mua'aj a'yan tyá'mua'reej tiquee jusén jin júurij huatyá'itzeere'ej
 a'ájna i ti tyí'tyacui'caa. 16 A'yaa tu tyá'mua'reej je'ej ti een i tyaj
 jin huátaxie've'en, ji'nye a'íi pu i Ciríistu' tajitzé ma'can huamuí',
 a'yaa pul'ij ajta tyúuxie've' tyej tyij a'yan cha'taj tyana'aj ityáj
 tyityáacui'nyij hua' jitze ma'can i ta'ihuáamua'. 17 Ji'nye tipua'aj sáij
 chíjtyaanyi' pué'eenye', ajta a'yan tyé'sejra ti i ihuáaria'ra' quee je'ej
 tyéejviicue'raj, ajta je'en quee jaatáhuire'en, ¿ji'nye tyí'ríj ti jimi
 séjre'ej a'ájna i ti jin i Dios taxie've'? 18 Mu siaj yójmua'mua' pué'een,
 tyiche' quee a'yan tyana'aj tyí'xajtaj yee tyátaxie've', sulu tyiche'
 a'yan huárinij je'ej tyaj tyí'xaj.

19 A'yaa tutyij tyá'mua'reeren tyaj ji'r'é'can jime' tyámua'
 tyi'tyítacha'íij, tyajta tyámua' éenye'ej tá'ju'un i Dios jimi, 20 ajta
 tipua'aj i taxiéjnyu'caa tyi'táj jin tá'xíjtye'ej, a'ájna i Dios pu jéetze'
 va'cán jin antyúumua'reej quee i taxiéjnyu'caa, a'íi pu néijmi'i
 tyí'mua'reej. 21 Nye'ihuáamua' mu nyaj já'muaxie've', tipua'aj i
 taxiéjnyu'caa quee tyi'táj jin tá'xíjtye'ej, a'yaa pu tyí'ríj tyaj jitzán
 tyú'ca'nyej i Dios, 22 ajta je'en a'íin néijmi'i tyitaatá'sij tyi'táj tyaj

jaatáhuaviiraj, ji'nye a'yaa tu ricij je'ej ti tyí'lijta i nyúucaria'ra' tyajta tyámua' tyi'tyítacha'íij je'ej ti a'íj tya'ráanajchi. ²³ Ajta i nyúucaria'ra' a'yaa pu tyí'ta'lijtye' tyej tyij jitzán tyá'antzaahuatye'en i Ciriístu' ti ajta Jesús pué'een i ti yó'jra' pué'een i Dios, tyajta je'en huátaxie've'en séej tyajta séej je'ej ti a'íin tyitaata'íj. ²⁴ A'íimaj i maj ja'tzaahuatye' i nyúucaria'ra' majta jitzán séejre', a'íi pu ajta i nyúucarij hua' jitze séejre'. A'yaa tu a'íjna jin tyá'mua'reej ti a'íin tatzájta' séejre', a'íjna jime' ti i júuricama'ra' tajimí huatyá'itzeerej.

A'íjna i júuricama'ra' i Dios ajta i xiéjnyu'carij ti jájcha'íire' i Ciriístu'

4 ¹ Nye'ihuáamua' mu nyaj já'muaxie've', caxu néijmi'caa já'tzaahuatya'aj i maj a'yan tyúusejrataj maj i Dios jitze ma'can tyí'xaj, sulu siata'aj anaquéej tyámua' tyihuo'sésj sij jáamua'reej tipua'aj i júuricamej i ti hua' jitze séejre' i Dios jimi já'ma'cantaj nusu quee. Ji'nye jéehua mu a'yan séejre' i cháanacaj japua i maj quee huatoojé'yacan jin tyí'xaj i Dios jimi. ² A'yaa pu'lij tyí'rij sij jáamua'reej a'tíj ti jimi séejre' i júuricama'ra' i Dios, a'íjna i ti a'yan tyaataxáj yee Jesús pu Ciriístu' pué'een, ajta a'yan yee a'yaa pu eenye' yatanyéj ti'íj tyévij, a'íi pu i júuricama'ra' i Dios jitzán séejre'. ³ Ajta a'íjna i ti quee a'yan tyá'mua'tyej a'íjci i Jesús, capu jimi séejre' i júuricama'ra' i Dios, sulu a'íi pu jitzán séejre' i júuricama'ra' a'íjna i ti jájcha'íire' i Ciriístu'. A'yaa xu mua'aj tyú'namuajri' ti a'íin a'yan huataséjre'sij i cháanacaj japua a'íjna i ti jájcha'íire' i Ciriístu', a'yaa pu'lij tyi'ja'yájna ti a'íin arí a'yan séejre' i cháanacaj japua.

⁴ Nyiyóojmua', mua'aj xu i Dios jitze ajtyáma'can, siajta seríj huo'tyáamue'tij a'íijma i maj tyí'hue'tacaa, ji'nye a'íjna i ti ja'mua jimi séejre', jéetze' pu va'cán jin antyúumua'reej quee a'íjna i ti íyan séejre' i cháanacaj japua. ⁵ A'íimaj i maj íyan ma'can i cháanacaj japua, a'íj mu jin a'yan tyí'xaj a'íjna jime' íyan ti tyí'ma'can cháanacaj japua, majta a'íimaj i maj a'yan ma'can a'íi mu huá'namuaj. ⁶ Tyajta ityáj, a'íj tu jitze ajtyáma'can i Dios. A'íjna i ti jamua'tyej i Dios, a'íi pu tanamuaj, ajta i ti quee jamua'tyej i Dios, capu tanamuaj. A'yaa pu'lij tyí'rij tyej tyij jáamua'reej a'tíj ti ji'r'é'can jime' i Dios jitze ma'can tyí'xaj, ajta a'tíj ti hue'tzij jin tyí'xaj.

Dios pu jéehua taxie've'


⁷ Nye'ihuáamua' mu nyaj já'muaxie've', tyiche' huátaxie've'en séej tyajta séej, ji'nye Dios pu ajta a'yan tyí'taxie've' ityájma. A'íjna i ti hua'xie've' i juxa'aj tyeítýee, a'íi pu i Dios jitze ajtyáma'can ajta jamua'tyej i Dios. ⁸ A'íjna i ti quee hua'xie've' i juxa'aj tyeítýee, capu jamua'tyej i Dios, ji'nye Dios pu a'íin pué'een i ti taxie've'. ⁹ Dios pu taataséjra a'chu ti taxie've', a'íjna jime' ti uyo'ta'ítýaca' i ti a'íjna

caa tyi'ijyó, íyan cháanacaj japua, tyej tyij a'íjna jitze ma'can júurij huatyá'itzeere'en i Dios jimi. ¹⁰A'yaa pu'ij een a'íjna i ti jin i Dios taxie've', capu a'yan huatómua'aj yee ityáj tu anaqueéj jaaxie've' i Dios, sulu a'íi pu anaqueéj taataxié'vej ityájma, ajta uyo'ta'ítayaca' i juyó, ti'ij a'íin huatómu'vejritaj, ajta je'en jó'uunaj i tyaj jin ootyá'itzee i Dios jimi.

¹¹Nye'ihuáamua' mu nyaj já'muaxie've', tipua'aj i Dios a'yan arí tyitaaxié'vej, a'yaa pu'ij tyúuxie've' tyej tyij a'yan cha'taj tyana'aj ityáj tyityahuátaxie've'en séej tyajta séej. ¹²Capu a'tíj a'náj jaaséj i Dios, ajta tipua'aj tyahuátaxie've'en séej tyajta séej, Dios pu ityájma jimi séejre', ajta i ti jin taxie've' pu ajta ityájma jimi néijmi'i séeria'aj ta'mej. ¹³A'íjna i ti jin ámiteere' tyaj i Dios jimi séejre', ti ajta a'íin tajimí séejre', a'íi pu a'íin pu'éen i júuricama'ra' ti tatzájta' séejre'. ¹⁴Ityáj tu tyeríj jaaséj, a'íj tu jin a'yan tyí'xaj ti i Dios uyo'ta'ítayaca' i juyó ti'ij hua' japua huatányuunyij a'íimaj i maj a'yan huachátimée i cháanacaj japua. ¹⁵A'tíj tina'aj ti a'yan tyu'taxáj yee Jesús pu yójra' pu'éen a'íjci i Dios, a'íi pu i Dios jimí séejre' ajta i Dios pu ajta a'íj jimi séejre' i tyévij.

¹⁶A'yaa tutyij a'íjna jin tyá'mua'reej, tyajta tyá'tzaahuatye' ti i Dios taxie've', ajta a'íjna i ti a'yan tyihuá'xie've' i juxa'aj tye'tyee, a'íi pu i Dios jimi séejre', ajta Dios pu ajta a'íj jimí séejre' i tyévij. ¹⁷A'yaa pu'ij tajimí tyí'sejre' i tyaj jin taxie've', tyej tyij jitzán tyú'ca'nyej a'ájna xicáara' maj jitzán tá'xijtye'en, ji'nye ityáj tu tyámua' a'yan tyí'tyesejre' i cháanacaj japua a'yájna ti'ij ajta i Ciríistu' ji'rénya'aj tyí'sejre'. ¹⁸Jo'maj jóoxie've', capu a'tíj tyi'tíj jin tyí'tziinye'. Ji'nye i maj jin juxie've' pu néijmi'i putyí'uurej, ajta tipua'aj a'tíj tyí'tziinye'ej, a'íi pu ajta tyi'tíj jin jajpuéetzij ja'mej. A'íj pu jin a'íjna i ti tyí'tziinye', a'íi pu quee eexúj tyámua' tyihuá'xie've' i juxa'aj tye'tyee.

¹⁹Ityáj tu hua'xie've', ji'nye i Dios pu anaqueéj ityájma taaxié'vej. ²⁰Tipua'aj sfíj a'yan tyí'xajtaj yee: “Nyáaj nu jaxie've' i Dios”, ajta je'en jájcha'iiria'aj i ju'ihuáara', a'íi pu tyí'hue'taca. Ji'nye tipua'aj



© 1996 David C. Cook

1 San Juan 4:9-10

a'tíj quee jaxie'va'aj i ju'ihuáara' ti jaaséj, capu je'ej tyí'rij ti jaaxié've'en i Dios tiquee a'náj jaaséj. ²¹I Ciriístu' pu a'íjna i nyúucarij jin tyitaata'íj, tí'ij a'íjna i ti jaxie've' i Dios, che' ajta jaaxie've' i ju'ihuáara'!

**A'íjna i tyaj jin tyá'tzaahuatye' a'íi pu
a'íin pu'éen i tyaj jin taxie've'**

5 ¹A'tíj tina'aj ti tyá'tzaahuatye' ti Jesús a'íin pu'éen i Ciriístu', a'íi pu yójra' pu'éen i Dios, ajta a'íjna i ti jaxie've' a'íjci i ti yo'puáara'an pu'éen, a'íi pu ajta hua'xie've' i yójmua'mua'.

²Típua'aj tyáaxie've'ej i Dios tyajta a'yan rijcaj je'ej ti tyí'ijta, a'yaa tu tyá'mua'reej tyej tyajta hua'xie've' a'íimaj i maj yójmua'mua' pu'éen i Dios. ³Típua'aj tyáaxie've'ej i Dios a'yaa pu ajta tyúuxie've' tyej tyij ja'rá'astijre'en je'ej ti a'íin tyí'ta'ijtye', ajta capu muárie'rij tyaj ja'rá'astijre'en je'ej ti a'íin tyí'ta'ijtye', ⁴ji'nye a'íjna i ti yójra' pu'éen i Dios, a'íi pu hua'antymue'tij a'íimaj i maj a'yan séejre' i cháanacaj japua. Ajta i tyaj jin tyá'tzaahuatye' a'íi pu taatá' tyej tyij néijmi'i jin tyu'tyámue'tin. ⁵A'íjna i ti tyá'tzaahuatye' ti i Jesús a'íin pu'éen i yójra' i Dios, a'íi pu néijmi'i jin tyu'tyámue'tij íiyan cháanacaj japua.

⁶Ajta a'náj ti i Jesús ti ajta Ciriístu' pu'éen ajtáhua'aj a'yan huataséjre ityájma jimi, A'yaa tu a'íjna jin tyá'mua'reej tí'ij a'íin huái'huaca' ajta je'ráaxirej i juxúure' tí'ij huamuí', tyajta quee jájtyij tyana'aj jin a'yan tyá'mua'reej, sulu jájtyij jamuán ajta xúure'ej. Ajta i júuricama'ra' i Dios a'íi pu a'yan tyámua' tyá'mua'reej, ajta a'íin pu'éen i júuricamej ti jí'récán jime' tyí'xaj. ⁷Majta huéecaj i maj a'yan tyámua' tyá'mua'reej: ⁸a'íjna i júuricama'ra' i Dios, i jájtyij i ti jin huái'huaca' i Jesús, ajta i xúure'ej i ti je'ráaxirej i Ciriístu' tí'ij huamuí' i cúruuj jitze, majta a'íimaj i maj huéecaj, néijmi'i mu juxa'aj mana'aj tyí'xaj. ⁹A'yaa tu tyá'antzaahuaj je'ej maj tyu'taxájtaca' i tyeítyee, ajta jéetze' tyí'huiire' tyaj ja'antzaahuatye'en je'ej ti i Dios tyí'xaj, ji'nye a'íi pu a'íjna jitze ma'can tyu'taxájtaca' i juyój.

¹⁰A'íjna i ti tyá'tzaahuatye' i yójra' jimi i Dios, a'íi pu nyúucarij jitzán tyí'sejre', ajta i tiquee tyá'tzaahuatye' i Dios jimi, a'yaa pu tyé'sejrata i Dios tí'ij i ti tyí'hue'tacaa, a'íjna jime' tiquee ja'tzaahuatye' je'ej ti i Dios tyu'taxájtaca' i juyój jitze ma'can. ¹¹A'íjna i nyúucarij i Dios ti jaataxájtaca' a'íi pu a'íin pu'éen i ti taatá'sij tyej tyij júurij huatyá'itzeere'en, ajta a'íjna i júuricamej a'íj pu jitze eerányinyii i yójra' i Dios. ¹²A'tíj ti jimi séejre' a'íjna i ti yójra' pu'éen i Dios, a'íi pu júurij huatyá'itzeere'ej jusén jime', ajta i tiquee jimi séejre' capu júurij ta'mej.

¹³A'yaa nu mua'ajmaj tyajá'muayu'se'ej mu siaj tyá'tzaahuatye' a'íjci jimi i yójra' i Dios, siaj sij jáamua'reej siaj júurij huatyá'itzeere'en jusén jime'.

¹⁴ Jitzán tu tyí'ca'nyej i Dios, ji'nye a'yaa tu tyá'mua'reej tijin tipua'aj tyi'táj tyaatáhuavii je'ej ti a'íin tya'ajxié'vi'ra', a'íi pu tanamuajran. ¹⁵ Ajta a'yájna tyati'ij tyá'mua'reej ti i Dios tanamuaj je'ej tyaj tyi'táj tyaatáhuaviiraj, a'yaa tu tyajta tyáamua'reej tyaj a'yan tyé'ejcha'ij je'ej tyaj tyi'táj tyaatáhuaviiraj.

¹⁶ Tipua'aj síij a'yan tyé'sejra ti i ihuáaria'ra' tyi'táj jin je'ej pua'aj ricij, tiquee a'yan tyá'ci'puaj ti'ij a'íjna jin huámui'nyij, che' jime' jaatáhuavii i Dios, ta'aj ij i Dios jaatá'an ti júurij tá'ra'nyij, tipua'aj tyi'táj jin a'yan rijcaj tiquee jaci'puaj ti'ij a'íjna jin huámui'nyij. A'yaa pu ajta tyi'sejre' i ti jin a'táj ootyá'ítzeerej ti'ij ajta a'íjna jin huámui'nyij, a'íjna jime' canu a'yan tyajá'mua'ijtye' siaj a'íjna jin jaatáhuavii. ¹⁷ Néijmi'i i maj jin je'ej pua'aj ricij, a'íj mu jin juxana'cire', ajta pu ityájma jimi séejre' i maj jin á'ítzeere', i tiquee a'yan tyihuá'ci'tyij mej mij a'íjna jin huácu'nyij.

¹⁸ A'yaa tu tyá'mua'reej tiquee tyi'táj jin á'ítzeere' a'íjna i Dios ti jimi séejre', ji'nye a'íi pu i yójra' i Dios jacha'ij, ajta a'íjna i ti je'ej pua'aj een capu je'ej joorej a'íjci i a'táj. ¹⁹ A'yaa tu tyá'mua'reej tyaj i Dios jitze ajtyáma'can, majta néijmi'i i maj a'yan huacháatimee i cháanacaj japua, a'íi pu tyihuá'ijtye' i xiéjnyu'carij ti je'ej pua'aj een. ²⁰ A'yaa tu tyajta tyá'mua'reej ti i yójra' i Dios yatanyéj, ajta taatá' tyej tyij yó'itej tá'ra'nyij, tyajta jáamua'tyij a'íjna i ti ji'r'é'can jime' Dios pué'een. A'íj tu jitze ajtyáma'can i yójra' i Dios, a'íi pu'ij a'íin pué'een i Jesús ti ajta Ciríistu' pué'een. A'íi pu a'íin pué'een i Dios ti ji'r'é'can jime' séejre', ti ajta taatá'sij tyej tyij júurij tá'ra'nyij jusén jime'. ²¹ Mu siaj yójmua'mua' pué'een, siata'aj tyámua' tyityahuóocha'íin a'íjma jimi i maj hue'tzij jin jusejrataj.